

من القصائد غير المنشورة للشاعر مظفر النواب

سامي عبد المنعم

{حسن الشموس}

أطرن هورها امصكك
واصيحهن عليك اجروح
يجحطن چالمطبجات الزرگ
صلهن يشوغ الروح
واجيك اشراع...ماهواشراع
عريانه سفينة نوح
اصيح اشاه... مايباش
ييني جحلت ييني
ويجيني امن الرضاع الحيل
موش امك واندهلك...
أشيلن حملك امگابل أنگلنه
وأشيلك شيل
أكابر... وانه اطر الهور
وأعدل ظهري للشمات
چني امگابل ويه الريل
أصدن لليصد ليه ابشماته
وفوگ اشيلن بيرغ الدفنه
عمد للسيل
كلها اولا شماتة عدو...
يتشمشم خبر موتك وراي ابليل
يازين الذي ابطرواك
دلتنه الجبيره اتگوم للخطر...
مهرة من بنات اكحيل
نجمتها عزيزه اتدگ غمامة ليل
واتشگ اللهب...
لننه ابغمامة هيل
يا شبة وسط بيتي...
التشيل السگف والخطر
والدنيه التجيله... والبرانو شيل
چن ظلمه مچانك ييني بالديوان
والوحشات...
ايدبچن بالضماير حيل
چن عينك مرارة كوسج...
ايعارچ بحر ييني
وخبر موتك نهاية سيل

هوره...

اوكل گصبيها ايخرخش ايموتك
أوروحى ويه الجبايش چنها تتگلگل
چباشه ... او راحت ويه الليل
تتراكس وراك امراكس أو تتگل
چباشه امفلشه ... ذبني عليك الزود
ايعطل اگليبي عيب اعطل
يمن جبت الحزب لبيتته امعگل
والتمت سواليف السلف ...
كلها اتسولفلك
او تعافت بيك خيزتنه
چثيره ادلال ...
گامت نارها العطات دلتنه
چثيره احگوگ حزمها الحزب لليل
تفاگه ... او تنومس ماي مدتنه
تفايى مسج بالعته
وتشگگ ورد من داير رسته
او فوگ شبتنه
او تساندنه ... متن يسند متن
ومتون لمتنه
ولا مرت ليالي ابغير گمره
الگمره ... گمرتنه
الشمس كلها شمسنه
ونجمة الصبحيه نجمتنه
واجت نجمه ...
او غفت بالبردي النواطير
او لن الريح طرته
حسافه انچفت دلتنه
وتگلگل بيت المعازيب
ياكل الحسافه ...
امشردين ابشمس ديرتنه
وتطشرن كل سوافنه
وتمزگت ذيج لمتنه
وغدت لن السلف مجزره
ولا چنه بيارغنه سمه الدنيه
ولا چنه ...
ياعيبة العيبه يهلنه وخيبة الضنه
حزبنه اليوم ييني امعگل ابزرنه
حزبنه ايدير عينه ايگللب الدنيه
اوسكتنه ...
اتمطر الصحوه المشمسه
مطرة المزنه
حزبنه ما ايريد ازلام ...

تتمايل عكلها اوي الهوه
او تتوهم ابجنه
حزبه اليوم ... يتهمهم عليها
وما ايعرف الكعده والهدنه
الطريج الزين المغني المربع
والهلاهل طرزن ردنه
ايهيه ... الكلك محله الكاع
طرتها صباخة ظيم او ضكتها
اوكلبناها او غدت دهله
تشگگ بيها ريحان اللي منها
ويحمل اشتاها وصبخها وظيفها
والخابط المنه
النشامه ...
الما انبيع اكشاشه من اترابنه ابجنه
النشامه ...
الما انساوم على حگ اظفر
ننطي ارواحنه الكل طيب المعشر
اخذ ليل اليضوي اسيوف
من اسيوفنه ايگطر...صبح اخضر
واكلك يبني يمشكر
تدوهن... حشه كدر
كل حكم اكبل على المعبر
تدوهن ...
واحنه... بس احنه اهلها
اعله الزلگ نگر
تدوهن ...
والفلح جابته يضحك يبجي للمحشر
بلايه الفلح ... ماتطلع شمس زينه
ولا هو الغيم يتمطر
جزيره ابغير شد احزام ...
او صف ارضاص ماتنظر
يلضميت من ثارات
اهن ثارات من ثارات
حگ اودم... وراهن ليل ومساھر
وراھن ليلتن ليله
وزغير احسابها بموزر
يحبز حسين ...
ماننساش حگنه او حگ المناظر
تراهو ازماطنه ايزيگك
اخذها امانحر امانحر
لجل عيناك ...
مامش عاجروح احساب ولا نهوه
لجل عيناك ...

يلتسوه الكباحه... اوتسوه ماتسوه
تفگ ...
وابغيردشر اوشدحزم ورسااص
ما نهوه
خذوها ابگوه... عينك عينك
نستافيهها بالگوه
يحرز حسين ...
بس منك علامه ... انسج عليهم سج
اندچهم حيل بالدم دچ
حگ ابحگ ... او دم ابدم
يلن حگ الذي ينلاچ ...
وانسولف عليه اهواي ... يتعلچ
هلابه ... هلابه
هلابه زلمتن مارخه للشدات وترچرچ
هلابه الدم على البارود
ورسااص اليسبچ الشمس يتسبچ
هلابه باليدليني الحفرتك يومها يبني
واحني الطين ...
واحط اترابك ابحضني
وانلولي ابريه مرديه ... وخلگ عشرين
چن تينه ربيع اتهز ثمرها ابگلب البساتين
چن ماي الحصو الابيض ...
ايهلل روج ويزهلل
واشيل اترابك اعله الراس
لبيوت الغصب ...
والغاگه والغرنوگ ... وانهل
هله وليدي ... هله وليدي
هله وليدي ...
الضوة بيك الجباشه الظلمه والمنزل
هله وليدي ...
واحطلك نار ... واكسرلك شمس
وابچي ابشليلك سل
واگلك يبني شچيني الدهر وياي متبدل
مامش فوي ... او مامش للرمل من ساس
مذلوله... ابزويت البيت
لازمر اليگعد الروح ولا ادلال التشيل الراس
چا وين المعگل ...؟
واليعرف الخبزه بالنوماس
وين اللي تگص الراس صيحاته ...؟
وايحنني الجف المفطر
وين البيرغ المنذور للشدات ...؟
چاهيه غدت كلش ...؟ ولاخنجر...؟
صنطه الدنيه ... لابيرغ ايرف بيها

ولا زمر اتفگه بشر
وچن الغصر الابيض بالرخاوه ايحيض
الويلك ... الويلك ...
واكلك يبني شگها اعريض
وزان او فلتها ...
وگامت الدنيه نجابه اتفيض
واتصلخ ابلحم الحي ...
واصيحن والده او جيتك
ابعرف الثار طلاية دول يبني
اجينالك ... او مامش زود
دم ابدم ... ونارابنار
وزلام التساوم حگ شواربها الشعب
واشوارب الثوار ... للثوار
چاهوه لعب دم الشعب يبني ...؟
چاهوه الشرف شكليين ...؟جاوبني
صفت يبني ... الجاتل حگ اله
واحنه ابلگلنه الدم... ومامش حگ
صفت چنها اتداوه ابضرگة اللکلگ
صفت کلش محلله...امدلهمه
ولا خبر ويه الريح ايبشر ابديم
صفت زيزايه ... هيمه
اوها يلن صاحبنه المعگل على اكييله
ايسوگ الغيم ذيل احصانه المحומר
گصيبة شمس...والحافرحجل
والگذله شيلة ظيم
رد الماي للهوره ...
ورجع حمريها يتلاعب لعب
والتفگ...خزامة ذهب بخشومها وگمره
او سهيل اكيل
هلهلن...ياتفگ زرگات روسيات
اوخيطن اول الريح ابتواليها واشخطن ليل
هلهلن ... والدلال اترد لهلها
وشعر المعرسه شيلة هيل
وانصعد الهلال اعله الفشگ ...
گبل الشهر ترمن
وتاخذني ابهواك الروح ...
اظرن هورها امصكك
واصيحهن عليك اجروح
حسن يبني ... حسن
جنبه عروسك ياحسن
خبزة دهن حلوه
حسن يبني...الشمس صاغت خشلها
ودگت النجمه نفسها ابطارف الغطوه

حسن يبني... بجاها اهلل
كل نغدة كلب ودموعها اتخورسلك ابهدوه
وغدت فضه... اصابعها ...
ومشطها ... وثوب دخلته
شغللها ...؟ الدمع سلوه
اوتعنت عغدة الكذله التحبه ...
اباب المعاتب ... اودگتهه
يا ايام الشعب يمظلمه ابگوه
اجينه البابج امفاريه ...
يا قصة شعبنه...وياغناني الليل
طولتي عليه المده والغيبه
اجينه اكاده ...
للصدره عريض اوروشته هييه
اجينه اندگلج ابجرگه
وانگلج ...
على الليل اشكتر طالت تراچيبه
ولبس خزامه واوي الليل
باگ التمر والنقطات وافترن دوالييه
يا ايام الشعب ... يل عتبتج تنزار
وانحبها ... او نترين بيها الغصبيه
مترادي الوكت والزاد زاد انزال
واندچت دول واجيال
واستافه الوعد يومه
وليالي الثار من دون الليالي اطوال
هلبت يلمعت الشعب
گلت ايزلزل الزلزال ...؟
هلبت يحسن...وانرد لهلنه
ونذبح العرسك حلال اهلك وگفه اطيور
هلبت يحسن
هودج موتك امحنه ...
چبير اوشايلاته الحور
هودج موتك ... اتسلم عليه الشمس
وزمور التفگ... والطبگه والگارور
هودج موتك اوليدي ...
عليه امچلچله ابشيبي
واگلك يبني يمغرب...عليك الله
عليك الله ان بطيت ابدیره الغربه
تراهو الوكت مو طيب
عليك الله... تراني الوالده
او ماليش غيرك ياحسن واعتب
واخافن ذاك المعگل ايمر بينه...
اويندهك توگف ابصدر العدو ترهب
واخافن يوگف الهور اعله حيله

وينشد الموزر على ابني الزين المغرب
كل كذله اربات الليل ويه اسهيل مفجوعه
او مسجها ابنارك ايلهلب
ايگول الشافه...
نخل الباديه ابترگ اسعفات اللب
ممشانه تجيل... امكابر... امكابر
مراكب... والسفينه اتفوت ليجدام
واتهلهل
لوتوگف دول... يسحگها شعب الهور
چي ظيمه چبير اوگلبه شایل سل
اطرن هورها... وكل ساع اگول ايتور
واگولن ما ايصح گبرک ...
ولا حطوا عليه ناطور ... ؟
اگولن على ساعة... اويلهج الشاجور
المعگل فضي خلگه ...
ويعرف اشلون يعلگها او عليها ايدور
او ها هاذه وعدھا... وهاذه يوم الشگ
اوھا طرت الفجر... لنه بيان اول
او مطر اللوز... اوصيحه حگ
واوصلک... واگلك ييني يامذبوح
جرح الثار هود... الاجرح الروح
وشراعي... ايدگ شراع حزبک
للحويزه... للفلج
للناس کلها انروح

مظفر النواب